



Broj: 10-05-9200/18  
Sarajevo, 10.04.2018. godine

## **SKUPŠTINA KANTONA SARAJEVO**

### **PREDMET : *Odgovor na zastupničko pitanje – dostavlja se***

**Zastupnik Goran Akšamija**, na 38. Radnoj sjednici Skupštine Kantona Sarajevo, održanoj dana 05.03.2018.godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo postavio je zastupničko pitanje koje glasi:

„Da li je Vlada Kantona Sarajevo na osnovu Uredbe o određivanju visine plata i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, 41/16), davala saglasnost za povećanje plata direktorima zdravstvenih ustanova, ako jeste, po kojim kriterijima i koje su to ustanove, a za one za koje nije koji su razlozi neprovođenja Uredbe”?

U vezi sa postavljenim zastupničkim pitanjem dostavljamo sljedeći

### **ODGOVOR**

Vlada Kantona Sarajevo je, na osnovu Zakona o plaćama i naknadama članova organa upravljanja i drugih organa i institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, broj 10/16), Uredbe o određivanju visine plata i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, br. 41/16, 46/16, 5/17 i 50/17) i dostavljenih odluka upravnih odbora javnih ustanova, Odlukom, broj: 02-05-2840-19/17 od 02.02.2017. godine, dala saglasnost za uvećanje plaća, do 30% od osnovne plaće, direktorima sljedećih javnih ustanova: JU Dom zdravlja Kantona Sarajevo, JU Opća bolnica "Prim. dr Abdulah Nakaš", JU Zavod za hitnu medicinsku pomoć Kantona Sarajevo, JU Zavod za zdravstvenu zaštitu žena i materinstva Kantona Sarajevo, JU Zavod za javno zdravstvo Kantona Sarajevo, JU Zavod za zdravstvenu zaštitu zaposlenika MUP-a Kantona Sarajevo, JU Zavod za sportsku medicinu Kantona Sarajevo, JU "Apoteke Sarajevo" i Zavoda zdravstvenog osiguranja Kantona Sarajevo.

Uvećanje osnovne plaće direktorima navedenih javnih ustanova je odobreno na osnovu izvještaja dostavljenih od strane istih u svrhu izrade rebalansa Finansijskog plana Zavoda zdravstvenog osiguranja Kantona Sarajevo za 2016. godinu i odluka upravnih odbora ustanova.

Navedeno uvećanje osnove plaće se primjenjivalo od 01.01.2017. godine do usvajanja izvještaja o radu i finansijskom poslovanju navedenih ustanova za 2016. godinu od strane Skupštine Kantona Sarajevo, a najduže do 31.05.2017. godine, u kom periodu je Ministarstvo zdravstva Kantona Sarajevo pratilo aktivnosti direktora navedenih ustanova u pogledu poboljšanja rada i razvoja ustanova, ostvarivanja sredstava za rad i racionalizacije organizacije rada i troškova poslovanja.

Nakon donošenja naprijed navedene Odluke Vlade Kantona Sarajevo, Ministarstvo zdravstva Kantona Sarajevo je zaprimilo i zahtjeve JU Zavod za medicinu rada Kantona Sarajevo i JU Kantona Sarajevo Zavod za zaštitu zdravlja studenata Univerziteta u Sarajevu, sa odlukama upravnih odbora ovih ustanova o uvećanju plaće direktora istih, u skladu sa članom 15. Zakona o plaćama i naknadama članova organa upravljanja i drugih organa i institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo. Ministarstvo zdravstva Kantona Sarajevo je pripremlilo Prijedlog Odluke o davanju saglasnosti za uvećanje plaće direktoru JU Zavod za medicinu rada Kantona Sarajevo i JU Kantona Sarajevo Zavod za zaštitu zdravlja studenata Univerziteta u Sarajevu i istu je dana 15.03.2017. godine predalo u Stručnu službu Vlade Kantona Sarajevo, ali navedeni materijal nije razmatran, obzirom da je na jednoj od sjednica Vlade Kantona Sarajevo dogovoreno da će biti održana posebna sjednica Vlade na kojoj će se razmatrati sve odluke o uvećanju plaća direktorima kantonalnih javnih preduzeća i javnih ustanova čiji je osnivač Kanton Sarajevo.

Naprijed navedenim Zakonom i Uredbom je propisano da se utvrđuje samo visina osnovne mjesečne neto plaće direktora javne ustanove, a obzirom da su u novembru 2017. godine potpisani Kolektivni ugovor o pravima i obavezama poslodavaca i radnika u oblasti zdravstva za područje Kantona Sarajevo, kao i Kolektivni ugovor o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo, po kojima i direktori javnih zdravstvenih ustanova imaju pravo na sve naknade i dodatke na plaću utvrđene ovim kolektivnim ugovorima (npr. po osnovu naučnog zvanja doktor nauka, magistar nauka, primarijus od 5 do 10%, položajnog dodatka kao rukovodnog radnika od 5 do 20%, dežura, pripravnosti i dr.), tako da smatramo da nije bilo osnova za dodatno uvećanje plaća direktorima javnih ustanova.

Napominjemo da je članom 15. Zakona o plaćama i naknadama članova organa upravljanja i drugih organa i institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo utvrđeno da se na osnovu izvještaja o radu i poslovanju institucije, javnog preduzeća i javne ustanove, direktoru, zamjeniku direktora i izvršnom direktoru za smanjenje negativnog poslovanja, odnosno za pozitivno poslovanje institucije, javnog preduzeća ili javne ustanove u odnosu na zatečeno stanje, može uvećati plaća do 30% od osnovne plaće, odnosno da navedena odredba nije obligatorna.

S poštovanjem,

Co: Stručna služba Vlade Kantona Sarajevo



**MINISTRICA**

**Zilha Ademaj, dipl. oec.**

